

ԱՐՁԱՆԱԳՐՈՒԹՅՈՒՆ

«ԹՐԻՊԼ ՄԱՅՆԻՆԳ» ՍՊԸ-ի կողմից ներկայացված՝ Արարատի մարզի Ռանչպարի ԱԿԽ հանքավայրի Հարավարևմտյան տեղամասի արդյունահանման աշխատանքների շրջակա միջավայրի վրա ազդեցության գնահատման հաշվետվության վերաբերյալ հանրային լսման (2-րդ լսում)

22.12.2025թ

Ռանչպար բնակավայր

«Շրջակա միջավայրի վրա ազդեցության գնահատման և փորձաքննության մասին» օրենքի (03.05.2024թ. ՀՕ-150-Ն) համաձայն, ինչպես նաև ՀՀ կառավարության 28 դեկտեմբերի 2023 թվականի N2343-Ն որոշմամբ սահմանված կարգով 2025թ. դեկտեմբերի 22-ին՝ ժամը 12:00-ին Արարատի մարզի Մասիս համայնքի Ռանչպար բնակավայրի վարչական ղեկավարի նստավայրում տեղի ունեցավ «ԹՐԻՊԼ ՄԱՅՆԻՆԳ» ՍՊԸ-ի կողմից ներկայացված՝ Արարատի մարզի Ռանչպարի ԱԿԽ հանքավայրի Հարավարևմտյան տեղամասի արդյունահանման աշխատանքների շրջակա միջավայրի վրա ազդեցության գնահատման հաշվետվության վերաբերյալ երկրորդ հանրային լսումը:

Հանրային լսմանը մասնակցում էին «Շրջակա միջավայրի վրա ազդեցության փորձաքննական կենտրոն» ՊՈԱԿ-ի առաջատար մասնագետ Գոհար Մինասյանը, Մասիսի համայնքապետարանի ներկայացուցիչ Կարեն Թադևոսյանը, Ռանչպար բնակավայրի վարչական ղեկավար Վահան Վարդանյանը, նախագծող՝ Գուրգեն Հակոբյանը, ընկերության ներկայացուցիչ Արամայիս Ավագյանը, համայնքի բնակիչներ:

Հանրային լսումը վարեց «Շրջակա միջավայրի վրա ազդեցության փորձաքննական կենտրոն» ՊՈԱԿ-ի առաջատար մասնագետ Գոհար Մինասյանը, ով հանդես եկավ բացման խոսքով, ներկայացրեց փորձաքննական գործընթացը և կատարված աշխատանքները:

Ներկայացվեց, որ համաձայն Օրենքի նախատեսվող գործունեությունը դասակարգվում է որպես Ա կատեգորիայի գործունեության տեսակ, որ փորձաքննական գործընթացի ժամկետը սահմանվում է 80 աշխատանքային օր, որ այս փուլից հետո, օրենքով սահմանված կարգով տրվելու է պետական փորձաքննական եզրակացություն:

Հաշվետվությունն օրենքով սահմանված կարգով ներկայացվել է շրջակա միջավայրի նախարարության ստորաբաժանումներին և տարբեր գերատեսչություններին կարծիքներ ստանալու նպատակով: Փորձաքննության իրականացման արդյունքում հաշվետվության վերաբերյալ եղել են առաջարկություններ և դիտողություններ, որոնց հիման վրա հաշվետվությունը ներկայացվել է նախաձեռնողին լրամշակման:

Լրամշակված հաշվետվությունը ներկայացնելուց հետո, օրենքով և կառավարության որոշման պահանջներին համապատասխան նշանակվել են հանրային լսումներ: Այս հանրային լսումն օրենքով 2-րդն է: Հանրային լսումների վերաբերյալ ծանուցումը հրապարակվել է առնվազն երեք հազար տպաքանակ ունեցող թերթում, փակցվել է մարզպետարանի, Մասիսի համայնքապետարանի շենքում փորձաքննական կենտրոնի և համայնքապետարանի պաշտոնական կայքերում:

Այնուհետև փորձաքննական կենտրոնի մասնագետը ներկայացրեց նախատեսվող գործունեության վերաբերյալ տեղեկատվությունը, շրջակա միջավայրի վրա ազդեցությունները, մեղմող միջոցառումները, մշտադիտարկումները: Գոհար Մինասյանն անդրադարձավ մթնոլորտային օդի պահպանության միջոցառումներին, մշտադիտարկումներին, ռեկուլտիվացիոն աշխատանքներին, ջրահեռացման, դրենաժային համակարգերին:

Գուրգեն Հակոբյանը ներկայացրեց որ պահպանել են գետից հեռավորությունը, համաձայն նորմերի, թողնվել է բնամաս, օգտակար հանածոն կորուստի տեսքով կմնա պաշտպանիչ բնամասում, իսկ շահագործման ենթակա մասն արդեն ըստ նորմի պահպանված է հեռավորությունը գետից:

Համայնքի ներկայացուցիչ Կարեն Թադևոսյանը ներկայացրեց, ընկերության կողմից համայնքին հատկացված ծախսերի վերաբերյալ: Գոհար Մինասյանը ներկայացրեց նաև հաշվետվության վերաբերյալ դիտողությունները, կապված թափոնների, մակաբացման ապարների, ռեկուլտիվացիոն աշխատանքների, ջրօգտագործման վերաբերյալ, Գուրգեն Հակոբյանը, անդրադարձավ և պարզաբանումներ ներկայացրեց:

Այնուհետև Գոհար Մինասյանը հարցրեց, թե արդյոք այլ հարցեր չունեն, ինչին մասնակիցները կողմ արտահայտվեցին: Ամփոփելով հանրային լսման արդյունքները՝ մասնակիցները որոշեցին հավանություն «ԹԲԻՊԼ ՄԱՅՆԻՆԳ» ՍՊԸ-ի կողմից ներկայացված Արարատի մարզի Ռանչպարի ԱԿԽ հանքավայրի Հարավարևմտյան տեղամասում օգտակար հանածոյի արդյունահանման աշխատանքներին:


«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի մասնագետ՝



Գոհար Մինասյան

«ԹԲԻՊԼ ՄԱՅՆԻՆԳ» ՍՊԸ-ի

ներկայացուցիչ՝



Գ. Հակոբյան